


Aruba a konkista 3 medaya di oro y un di plata e den mundial di jinete y amazona

ARUBA ta sigui haci un estu-pendo papel den competencianan internacional di jinete y amazona. Den e fin di siman Aruba a participa na e Mundial di Confepaso cu a tuma luga na e ciudad di Pereira, Colombia y a regresa cu nada menos cu 3 medaya di oro y un di plata. Especialmente e medayanan di oro tabata impactante pa un delegacion chikito y ta unicamente Colombia a logra mas medaya di oro.

Aruba a logra e di tres puesto "overall" den puntuacion, ya cu tambe Aruba tabatin algun cuarto puesto den e personanan di Shayna Werleman, categoria 15 pa 17 aña y Juan Jose Werleman den 18 pa 20 aña.

Pa e proximo fecha Melanie Werleman a biaha mas a gana medaya di oro logrando e maximo puesto den e categoria di amazona di 12 pa 14 aña. E categoria di 21 pa 24 aña a bira un acontecimiento Arubano ya cu nos a konkista dos medaya di oro. Alina Mansur a bira e miho amazona, mientras cu Mark Bruin a bira e miho jinete. Ambos a ser corona cu e medaya



di oro rond di nan nek.

A scapa Aruba net di domina e categoria di 12 pa 14 aña. Willem Werleman tabata asina

cerca di e medaya di oro, pero e mester a keda contento cu e prestigioso medaya di plata, ekivalente na e segundo puesto den e categoria di 12 pa 14 aña.

Den liñanan grandi a toca Aruba algun cabay bon, ya cu ta cabaynan cu nan mester a huur na Colombia. Den algun caso sinembargo a toca nan mala

suerte, ya cu nan no a haya cabay cu a duna e rendimiento anhele. E siguiente Campeonato Mundial ta aki 2 aña.